

Članarina za UGIP "Rino Zandonai"

Na osnovu Statuta udruženja i odluke na Skupštini udruženja koja je održana 31.8.2019. godine u Centru za kulturu Tuzla potrebno je da svi članovi udruženja uplate članarinu retroaktivno od 2013. godine. Jedan broj članova udruženja je već izvršio uplatu i time je njihova obaveza ispunjena. Shodno Odluci o visini članarine, članarina je 5 KM za jednog člana Udruženja za godinu dana.

Uplate se mogu obaviti kod Zorana Pendića u pogrebnoj udruzi "Borić" u baraci kod Muzeja Istočne Bosne (kod bivše bolnice Interno), svakim danom od ponedjeljka do petka 8-11 sati. Telefon Pendića je 063 225 354. Svaki član će dobiti priznanicu za izvršenu uplatu i člansku knjižicu udruženja – ko nema knjižice. Ko ima može ponijeti knjižicu radi ovjere uplate članarine.

Posebno je važno da primaoci pomoći u programu solidarnosti izvrše obavezu plaćanja članarine. Bez uplaćene članarine može se smatrati da kandidati za socijalni program ne žele biti članovi udruženja, a svoja prava mogu ostvarivati putem nadležne službe u Provinciji Trento ili putem Trentini nel mondo.

Kandidati za program solidarnosti 2019.

Trentini nel mondo je dostavio listu kandidata za podršku u programu solidarnosti za 2019. godinu. Obilazak kandidata će biti tokom decembra 2019. godine. Kandidate će kontaktirati socijalni radnik radi dogovora termina posjete. Uslovi za dodjelu pomoći nisu se mijenjali u odnosu na raniji period i nema dodatnih zahtjeva.

**Mot Brdanovic
Miroslav**

**via Sabana Zahirovica 2/VII-66, Tuzla
(Tuzla)**

**Daldon Boner
Zorka**

via Simin Han 58, Tuzla (Tuzla)

**Menegoni Hodzic
Fadila**

via Osmana Vilovica III 18, Tuzla (Tuzla)

Ivkovic Lijiliana

via H. Rudara 12, Tuzla (Tuzla)

**Segat Karamovic
Damir**

via V. Nazora 6, Tuzla (Tuzla)

Montibeler Josip

via M. Busatlije 12, Tuzla (Tuzla)

Segat Zdenko	via T. Ravnjaka 33, Tuzla (Tuzla)
Mot Senkas Renata	via Stupine 8/41-21, Tuzla (Tuzla)
Zamboni Anton	via Universitetska 3/16, Tuzla (Tuzla)
Zamboni Sinisa	via Bukinjska 46, Tuzla (Tuzla)
Zamboni Vlado	via Bukinjska 46, Tuzla (Tuzla)
Zamboni Zvonko	via I. Mujezinovica , Tuzla (Tuzla)
Segat Valerija	via Hrvatske Brigate 7, Tuzla (Tuzla)
Bradvicic Vlasta	via Krizani 56, Tuzla (Tuzla)
Ivankovic Hedviga	via Sabana Zahirovica 4, Tuzla (Tuzla)
Pentic Zoran	via 15 Maj Br. 4 9 sprat, stan br.60, Tuzla (Tuzla)
Dobnik Nada	via Simin Han 75207 Mikela Tesic br.19, Tuzla (Tuzla)
Mott Berislava	via Taljianska 14, Tuzla (Tuzla)
Ostojic Vesna	via Boljanic sn, Tuzla (Tuzla)
Tadic Viktor	via Prva ulica 218, Zivinice (Tuzla)

Zdravko Batista Ulica Rudarska 49, sprat 7, stan 28 (Tuzla)

Predsjednik UGIP „Rino Zandonai“ izabran za člana koordinacionog odbora projekta zaštite nacionalnih manjina



Tihomir Knežiček je izabran kao predstavnik nevladinih organizacija u koordinacioni odbor projekta "Promocija različitosti i jednakosti u Bosni i Hercegovini".

Odborom predsjedava Ministarstvo za ljudska prava i izbjeglice a projekat finansira Evropska unija i Vijeće Evrope.

Cilj projekta je zaštita prava pripadnika nacionalnih manjina u BiH. Prvi sastanak koordinacionog odbora održan je 27. novembra u Sarajevu na kojem su razmatrana pitanja od interesa za sistemska rješenja problema identifikovanih od strane zvaničnih tijela i organizacija koje zastupaju prava pripadnika nacionalnih manjina u BiH.

Članovi udruženja "Rino Zandonai" na seminaru EZE

Već šesti put članovi UGIP "Rino Zandonai" Tuzla posjećuju seminar EZE namijenjen unapređenju razumijevanja položaja iseljenika u zemljama EU. Ove, 2019. godine organizovan je seminar pod nazivo Evropa sutra " 5 scenarija za našu budućnost ". Seminar je održan u Riva Del Garda, hotel Astoria Park, Provincija Trentino, od petka 18.10. do 20.10. 2019 godine.

Organizator seminara su EZE "Evropsko tijelo koje okuplja organizacije a bave se radnicima u različitim državama, UNAIE " Nacionalna unija udruga za migracije I iseljništvo i udruga Trentini u svjetu. Seminar je bio podijeljen u grupe tema: Izazov Europe: rad i komunikacije, i teme za današnju i sutrašnju Evropu. Seminaru su prisustovali Senkas Martina, Vlasta Bradvičić, Gordana Mott i Željko Mott. Iz BiH na seminaru su bili prisutni i članovi udruženja Italijana iz Banja Luke.





Stipendije u Italiji za mlade od 18 do 35 godina

Forum asocijacija Italijana u svijetu objavio je poziv za stipendiranje mladih osoba u Italiji. Detalji su na WEB stranici [www. http://www.aitefvolontariato.com/](http://www.aitefvolontariato.com/) .

Tuzlaci u časopisu "Trentini nel mondo"



Časopis "Trentini nel mondo" izdaje udruženje Trentini nel mondo O.n.l.u.s. na mjesečnoj osnovi sa ciljem informisanja trentinske zajednice u Italiji i širom svijeta o aktivnostima Trentinjana. I u nekim ranijim prilikama časopis je dao prikaz ostvarenja udruženja Italijana – kluba Trentina u Tuzli, a u broju 7/2019 na jednoj cijeloj stranici opisana su dva događaja u Tuzli.

U prvom dijelu je članak o promociji knjige "Italijani u Tuzli 1880-2019" koja je bila 31.8.2019. godine, dok je drugi članak opisao obilježavanje decenije "Dana italijanske kuhinje u Tuzli 2019", manifestacije koja je održana u Tuzli 1.9.2019. godine.

Završen projekat "Kultura u pokretu"



UGIP „Rino Zandonai“ Tuzla završio je projekat pod nazivom „Kultura u pokretu“ koji je finansiralo Ministarstvo za kulturu, sport i mlade Tuzlanskog kantona. Projektom je planirana i realizovana manifestacija projekcije filmova na jezicima nacionalnih manjina. Nabavljeno je osam filmova koji su prikazivani u periodu od 2.11. do 6.11. 2019. godine. Raspored projekcije filmova je bio:

- **2.11.2019. u 10.00, ŽIVOT DRUGIH, njemački i 12.00 TAKVA, turski**
- **4.11.2019. u 10.00, PROBUĐENE LUTKE, češki i 11.00 SOLINO, italijanski**
- **5.11.2019. U 10.00, SKUPLJAČI PERJA, romski i 12.00 LILJA ZAUVIJEK, ruski**
- **6.11.2019. U 10.00, SLOBODA LJUBAV, mađarski i 12.00 TREĆE POLUVRIJEME, makedonski.**

Udruženje je obezbijedilo filmove iz privatnih kolekcija, a ostvarena je saradnja sa drugim udruženjima nacionalnih manjina pa su tako udruženje Čeha iz Sarajeva ustupilo dokumentarni film „Probuđene lutke“, udruženje Mađara iz Sarajeva je ustupilo film „Sloboda, ljubav“, a udruženje Makedonaca Tuzla ustupilo je film „Treće poluvrijeme“. Manifestacija projekcija filmova najavljena je putem medija, WEB portala, a štampane su i plakate sa rasporedom projekcija. Sve projekcije su bile u prostoru Galerije Mandžić u Tuzli. Iako je posjećenost projekcijama bila neadekvatna, ovaj jedinstveni projekat je pokazao svoju vrijednost time što su mediji skoro svakodnevno izvještavali o manifestaciji. Projekat je promovisan u TV emisijama: gostovanje u RTV 7 1.11.2019. u 13. sati, RTV TK 4.11.2019. javljanje uživo u TV program 8.45, i vijesti u 9.00, reportaža na zatvaranju manifestacije RTV BiH 6.11.2019. u 9.30 i RTV TK 10.00, gostovanje u emisiji o kulturi RTV TK 7.11.2019. u 17.15.

Ispravke grešaka u knjizi "Italijani u Tuzli 1880-2019"



Nakon izlaska iz štampe knjige pod nazivom "Italijani u Tuzli 1880-2019" uočene su greške u knjizi na koje skrećem pažnju članovima italijanske zajednice čije obitelji su zastupljene u knjizi.

Kao što je napomenuto u impresumu knjige – niti jedna greška u knjizi nije namjerna, a prihvata se svaka argumentovana sugestija. Za očekivati je da se pojave greške jer se u knjizi navodi više hiljada imena i veliki broj podataka o Italijanima koji su na neki način vezani za Tuzlu i okolnu regiju. Kao što je navedeno u knjizi, korišteni su različiti izvori informacija, što može u nekim slučajevima rezultovati pogrešnim informacijama koje su navedene u knjizi.

Ako se i primijete greške, te greške nisu namjerne i zato je poželjno da se svaka uočena greška prijavi autoru kako bi se greška ispravila i kako se ne bi dalje ponavljala. Autor knjige se javno izvinjava svima kojima je pogrešna informacija izazvala neugodnost. Ispravke će biti objavljivane putem WEB stranice udruženja, a sredinom 2020. godine će se objediniti sve ispravke koje će biti ubačene kao dodatak u knjizi "Italijani u Tuzli 1880-2019".

U dosadašnjem periodu, do novembra 2019. godine, uočene su dvije greške:

- Obitelj Radić je navela grešku u opisu Emilije Starčević i njenog sina Mladena Radića.
- Obitelj Paki je navela grešku u opisu Ivana Paki jer se navedeni podatak o razlogu odlasku iz SO Tuzla odnosi na drugu osobu, a ne na Ivana Paki.

Molim da se navedene ispravke imaju u vidu kako opisani članovi obitelji ne bi imali nepotrebnih eventualnih neugodnosti.

OBILJEŽENA DECENIJA DANA ITALIJANSKE KUHINJE U TUZLI 1.9.2019.

Članovi UGIP „Rino Zandonai“ proslavili su deceniju održavanja manifestacije „Dan italijanske kuhinje u Tuzli“. U nedelju 1.9.2019. godine po deseti put u zadnjih deset godina održan je Dan italijanske kuhinje u Tuzli. Učestvovalo je 14 članica i njihovi pratioci, kao i priličan broj članova koji su pouzdana logistička baza za uspješno održavanje


manifestacije. Kao i prethodnih godina, Tuzlaci su mogli da degustiraju gastro ponudu slanih i slatkih jela, salata, pića i osvježenja. Na opšte zadovoljstvo članova udruženja i građana Tuzle, pripremljeno je više od 40 različitih gastro proizvoda tipičnih za italijansku kuhinju, kao i drugih jela koja nisu isključivo italijanski specijaliteti. Din je pripremio tortu kao znak obilježavanja decenije manifestacije. Tokom manifestacije podijeljeno je 32 litra kisele vode, 12 litara osvježenja Senzacija i 6 litara vina (crnog i bijelog). Uz zvuke italijanskih melodija nekoliko parova je zaplesalo na malom trgu kod fontane. Našao se na trgu i Franjo Rover iz Štivora da vidi kako to Tuzlaci rade. A kad je sve podijeljeno, i stolovi pospremljeni, veće društvo je prešlo za drugu vrstu stolova da sumira utiske i degustira šta je ko pripremio. Da nije bilo sredstava iz Grada Tuzla, doprinosa Trentini nel mondo i sponzorstva PARTNER mikrokreditne fondacije, proslava bi bila skromnija i manje vidljiva. Willi Daldon je dobacio par boca šampanjca i tako je zaokružen uspjeh decenije održavanja manifestacije. Hvala članicama i članovima i djeci što su pomogli da sve bude na nivou.



USPJEŠNO PROMOVISANA KNJIGA „ITALIJANI U TUZLI 1880-2019“

U Međunarodnoj galeriji portreta Tuzla, kao što je bilo najavljeno, održana je 31.8.2019. godine promocija knjige „Italijani u Tuzli 1880-2019“. Knjiga u izdanju JU Centar za kulturu Tuzlu pripremljena je i štampana u okviru projekta koji je odobren UGIP „Rino Zandonai“ od strane Ministarstva za ljudska prava i izbjeglice BiH. Autor knjige je Tihomir Knežiček a recenzent akademik Enver Mandžić.

U prisustvu oko 70 posjetilaca, uglavnom članova udruženja, knjiga je uspješno promovisana, a promociju knjige su, pored Ministarstva za ljudska prava i izbjeglice, podržali sponzor PARTNER mikrokreditna fondacija, a saradnja je ostvarena sa Trentini nel mondo i kompanijom Meggle. Promociju knjige su svojim glasovima ukrasile Beba i Marija, članice udruženja a moderator je bio Senad Begović iz Centra za kulturu Tuzla.



Prije promocije knjige, vrijedan poklon je uručen Mensuru Aliću vlasniku kompanije Menprom. Kompanija Menprom od prve manifestacije podržava Dan italijanske kuhinje u Tuzli i na taj način pomaže aktivnosti udruženja i promociju kulture i tradicije Italijana u Tuzli.

DECENIJA DANA ITALIJANSKE KUHINJE U TUZLI - 2019.



Nedelja 1.9.2019. godine u 19.00 sati, Trg kod Meše i Ismeta Tuzla

Finansira
Grad Tuzla

Finansira
Trentini nel mondo
Trento

Realizacija
UGIP "Rino Zandonai"
Tuzla

Sponzor
Partner MKF
Tuzla

Saradnja
Willi Daldon



GODIŠNJA SKUPŠTINA UDRUŽENJA „RINO ZANDONAI“

UGIP „Rino Zandonai“ Tuzla najavljuje održavanje redovne skupštine udruženja koja će se održati 31.8.2019. godine u 13.00 u prostoru Centra za kulturu Tuzla, Međunarodna galerija portreta Tuzla. Pozivamo članove udruženja na učešće skupštine na kojoj će biti prezentirani izvještaji o radu udruženja i plan aktivnosti za 2020. godinu. Materijali za skupštinu možete dobiti kod predsjednika upravnog odbora udruženja Marije Miladinović ili predsjednika udruženja Tihomira Knežičeka.

NAJAVA „DECENIJA DANA ITALIJANSKE KUHINJE U TUZLI“

Dana 1.9.2019. godine od 19 sati obilježava se decenija održavanja manifestacije „Dan italijanske kuhinje u Tuzli“. Po deseti put članice udruženja će pripremiti gastro ponudu sa okusom Italije za građane Tuzle, na starom mjestu kod Meše i Ismeta na tuzlanskom korzu. Održavanje manifestacije u kontinuitetu deset godina je doprinos italijanske zajednice raznolikosti življenja u Tuzli. Očekuje se, kao i prethodnih godina, podjela više od 500 porcija raznolike gastro ponude, uz osvježenje i vino.

Podršku manifestaciji dali su Grad Tuzla, Trentini nel mondo, Partner MKF i Willi Daldon – vodoinstalater iz Transaque koji je obezbijedio kutiju bijelog vina iz lokalne vinarije.



PARTNER MKF SPONZOR DVODNEVNIH AKTIVNOSTI UDRUŽENJA



Partner mikrocreditna fondacija Tuzla više od 20 godina uspješno se bavi pružanjem usluga mikrokreditiranja ekonomski aktivnoj populaciji kojoj je otežan ili koja nema pristup komercijalnim izvorima finansiranja, za pokretanje i unapređenje biznisa i poboljšanje kvaliteta života. Mikrocreditna fondacija podržava mikro poduzetnike, promoviramo učešće žena u biznisu i nudi lakši pristup finansijskim uslugama u ruralnim područjima na teritoriji cijele BiH. Partner prepoznaje i druge potrebe zajednice pa je tako prepoznato potrebu udruženja Italijana u Tuzli da se na kvalitetan način predstavi tuzlanskoj i BiH javnosti. Partner je sponzor u realizaciji dva događaja koje realizuje UGIP „Rino Zandonai“, a to su promocija knjige „Italijani u Tuzli 1880-2019“ koja se održava 31.8.2019. godine u Centru za kulturu Tuzla, i drugi događaj „Decenija dana italijanske kuhinje u Tuzli“ koji se održava 1.9.2019. godine na malom trgu kod Meše i Ismeta na korzu u Tuzli. Zahvalnost Partneru za sponzorstvo događaju iskazuju članovi italijanske zajednice u Tuzli, kao i građani Tuzle koji podržavaju multikulturalnost u gradu Tuzla.

NAJAVA PROMOCIJE KNJIGE „ITALIJANI U TUZLI 1880-2019“



Knjiga o tuzlanskim Italijanima na 460 stranica obuhvata 26 italijanskih obitelji – Allasia, Andriussi, Bancher, Battista, Broch, Candotti, Cordignano, Daldon, Dorighi, Drusiani, Fontan, Gojo, Grotti, Menegoni, Michelini, Montibeller, Mott, Orlando, Papinutti, Piccolotti, Rossi, Sciocci, Segat, Soravia, Toson i Zamboni.

PROMOCIJA KNJIGE 31.8.2019. U 14 SATI – CENTAR ZA KULTURU TUZLA, GALERIJA PORTRETA

NOVI KOLAČ U ITALIJANSKOJ ZAJEDNICI U TUZLI



Mia Morankić je rođena 16.8.2019. godine u Tuzli. Jedan jedinstven potomak u obitelji Zamboni je započeo svoj život.

Brat malac Adrijan i roditelji Bernanda i Nedim Morankić su dobili novog člana obitelji – princezu Miu. Uživajte i radujte se! Čestitke od svih nas što malo vučemo na Italiju.

PREDSJEDNIK UDRUŽENJA „RINO ZANDONAI“ U DOKUMENTARNOM FILMU NA SARAJEVO FILM FESTIVALU



U nedelju 18.8.2019. godine na Sarajevo Film Festivalu prikazan je dokumentarni film "Kad nas je manje". Dokumentarni film ilustruje položaj pripadnika nacionalnih manjina u BiH a rezultat je projektnih aktivnosti Vijeća Europe u Bosni i Hercegovini. U filmu, pored brojnih aktera, učestvuje i Tihomir Knežiček kao pripadnik italijanske nacionalne manjine. Film je postigao dovoljno veliki uspjeh što je uvršten u program SFF i prikazan u reprezentativnom ambijentu. Gosti na premijeri filma su bili Lars Gunar Vigemark, šef Delegacije EU u BiH, Šef ureda Vijeća Europe u Sarajevu ambasador Drahoslav Stefanek, ambasadori (nisam vidio italijanskog), osoblje Ministarstva za ljudska prava i izbjeglice BiH, članovi udruženja Italijana iz Sarajeva, kao i veliki broj pripadnika nacionalnih manjina koji su došli iz

različitih krajeva BiH. Film će biti prikazan i na još jednom festivalu filmova, a onda će biti dostupan za javno emitovanje.



„Zvono za poginule“ u Roveretu

Najveće njišuće zvono na svijetu je izliveno u Trentu 30.10.1924. godine od topova korištenih tokom Prvog svjetskog rata. Zvono je postavljeno u tvrđavi na brdu u Roveretu, a prvi put se oglasilo 4.10.1925. godine u pomen na sve poginule u Prvom svjetskom ratu. Zvono nije dalo željeni zvuk pa je ponovo izliveno u Veroni 24.5.1939. godine i vraćeno u Rovereto 26.5.1940. godine. Usljed oštećenja tj. pukotina na zvonu, njegova rekonstrukcija je rađena od 1960. do 1964. godine. Zvono se ponovo oglasilo 4.11.1965. godine i danas se oglašava svako veće u pomen na poginule u ratovima u svijetu, bez obzira na nacionalnost sa porukom „Nikad više rata“. Zvono ima visinu od 3,36 m, prečnik 3,21 m, teško je 22,6 tona, a bat je težak 600 kg.

Komemoracija u povodu 10 godina od pogibije Rine Zandonai, i njegovih kolega Giovanni Battista Lenzi i Luigi Zortea završena je oglašavanjem „Zvona za poginule“ 31.5.2019. godine u večernjim satima. Na komemoraciji su prisustvovali članovi obitelji poginulih, lokalni zvaničnici, veliki broj članova Trentini nel mondo i članovi udruženja „Rino Zandonai“ Tuzla.



Komemoracija povodom 10 godina pogibije Rine Zandonai

Povodom 10. godišnjice smrti Rina Zondonaia, Giovannija Battiste Lenzija i Luigija Zorteaa, kako ne bi zaboravili ko je bio protagonist ideje povezane s razvojem i rastom Trentina na temelju volontiranja i uzajamne solidarnosti, Trentini nel Mondo zajedno s Zajednicom Primiero, Zajednicom Valsugana i Tesino i Zajednicom Vallagarina, organizuju komemoraciju na koji ste srdačno pozvani.

Komemoracija je 31. maja 2019. godine od 17 sati. Za ceremoniju je izabrano simbolično mjesto od velikog značaja, kao što je Zvono pada na brežuljku Miravalle u Roveretu, kako bi se ujedinili u jednom zagrljaju veliki Zandonai, Lenzi i Zorteaa, težeći ideji bratstva i solidarnost među svim ljudima svijeta.

UGIP „Rino Zandonai“ Tuzla planira odlazak na komemoraciju. Zainteresovani članovi udruženja treba da se jave Željki Mott ili Tihomiru Knežičeku najdalje do 28.5.2019.



Willi Daldon posjetio Tuzlu 12. aprila 2019.



Willi Daldon je potomak tuzlanske obitelji Daldon koji živi i radi u Italiji a bavi se proizvodnjom vina. Sin je Emila Daldon koji je iz Tuzle otišao u Italiju i tamo proveo život. Willi Daldon je posjetio Tuzlu 12. aprila 2019. godine i iznenadio Tihomira Knežičeka svojim nsvakidašnjim gestom.

Willi je donio kutiju vina CAMPODIPIETRA iz Trevisa kao poklon članovima udruženja, da prvom prilikom nazdrave Williju i popiju misteriozni sadržaj u vinskim bocama donesenim iz Trevisa.



Nicole Pendić, Jasmin Imamović i Svjetlana Kakeš na kafi u Trentu 11. aprila 2019.



Gradonačelnik Tuzle Jasmin Imamović i njegov stručni tim predvođen Svjetlanom Kakeš (porijeklom Michellini) posjetili su gradonačelnika Trenta radi unapređenja saradnje u pogledu koncepta Smart City. Trento već primjenjuje koncept "pametnog grada", a i Tuzla se priprema za uvođenje koncepta "pametnog grada", pa je stručna posjeta Trentu u potpunosti iskorištena za prikupljanje informacija o inovativnom konceptu razvoja grada.

U toku posjete Trentu, gradonačelnik i njegov tim su 11.4.2019. godine imali neformalni susret, uz kafu, sa Tuzlankom Nicole Pendić, studenticom na Univerzitetu u Trentu koja je iskoristila pogodnosti razmjene porodica Trento-Tuzla i koja je zahvaljujući razmjeni ostala na studijima u Trentu.

U pripremi druga knjiga o tuzlanskim Italijanima

Druga knjiga o tuzlanskim Italijanima radi se u okviru projekta koji finansira Ministarstvo za ljudska prava BiH a realizuje UGIP Rino Zandonai Tuzla. Knjiga je dopunjeno i prošireno izdanje knjige pod nazivom "Stoljeće Italijana u Tuzli" koja je štampana 2010. godine. U dopunjenom izdanju biće obuhvaćene obitelji koje na neki način imaju italijansko porijeklo a koje su dostavile svoje materijale i dopune informacija koje su u knjizi iz 2010. godine.

Alassi, Andriussi, Bancher, Battista, Candotti, Cordignano, Čabraja, Daldon, Dorigi, Drusiani, Fontan, Gojo, Marcolini, Marcon, Menegoni, Michellini, Montibeller, Mott, Papinutti, Piccolotti, Rossi, Segat, Soravia, Toson, Trombeta i Zamboni.

Očekuje se i da druge italijanske obitelji u Tuzli dostave podatke kako bi bili uvršteni u publikaciju. Knjiga treba biti završena do kraja juna mjeseca 2019. godine, a promocija je planirana za 1.9.2019. godine.

UGIP Rino Zandonai uspješno završio učešće u projektu „Promocija nacionalnih manjina u Gradu Tuzla“

Članovi UGIP Rino Zandonai učestvovali su u projektu „Promocija nacionalnih manjina u Gradu Tuzla“ koji je realizovao Grad Tuzla u saradnji sa udruženjima nacionalnih manjina Albanaca, Italijana, Makedonaca, Roma i Slovenaca koja djeluju na području Tuzle. Projekat u trajanju od 7 mjeseci podržalo je Vijeće Europe i Europska unija u iznosu od 20.000 KM. Sve projektne aktivnosti su medijski praćene i emitovane u TV programima, a vijesti su objavljivane i na WEB portalima.

Projektom su obuhvaćene različite aktivnosti.

1. Predavanja o nacionalnim manjinama održana su u osnovnim školama Jala, Centar, Brčanska malta, Tušanj i u Katoličkom školskom centru Sveti Franjo. Inspirativna predavanja o Italijanima održao je Željko Mott.



2. Dan nacionalnih manjina u Tuzli održan je u sali Pozorišta 7.2.2019. godine. Tradicionalne italijanske melodije, bez muzičke pratnje, pjevala je Mirjana Beba Čaušević, a mini-štanđ za prezentaciju udruženja postavili Željko Mott i Tihomir Knežiček.



3. Završna svečanost projekta „Promocija nacionalnih manjina u Gradu Tuzla“ je održana 21.3.2019. u Dramar centru Tuzla. Zatvaranje projekta obilježeno je obraćanjem skupu u ime Gradske uprave mr. Asje Redžić, šefice Odjeljenja za sport, kulturu, pitanja mladih i socijalnu zaštitu. Skup je pozdravila i Dragica Tešić članica slovenačke manjine. Zana Sokoli, ispred albanske nacionalne manjine, je prezentovala publikaciju "Tuzlanske nacionalne manjine". Publikacija na 120 stranica opisuje 20 nacionalnih manjina prisutnih u Tuzli. Glavni urednik publikacije je Tihomir Knežiček. Promovisan je i film o nacionalnim manjinama u Tuzli, kojim je predstavljen historijat nacionalnih manjina, kao i njihov doprinos svim aspektima razvoja Tuzle. Ispred Italijana u filmu su izjave davali Gordana Segat i Tihomir Knežiček. Nakon promocije knjige i filma, upriličena je gastronomska ponuda tradicionalnih jela nacionalnih manjina Albanaca, Italijana, Makedonaca, Roma i Slovenaca. Za izuzetnu gastronomsku ponudu Italijana pobrinule su se Berislava Mott i Mirjana Čaušević koje su pripremile neka od karakterističnih italijanskih jela.



SJEĆANJA



Luciju Vasilj su bliži poznanici i rodbina zvali Cica. Lucija je bila zaslužan član italijanske zajednice u Tuzli, a nezasluženo je umrla 26.2.2019. godine u Tuzli u 78 godini. Sahranjena je na groblju Borić u prisustvu velikog broja članova obitelji, njenih komšija i prijatelja. Lucija Vasilj je rođena 1941. u obitelji Mijatović. Završila je trgovačku i školu i čitav život radila kao trgovac. Bila je udata za Peru Vasilja, i u tom braku je rođen sin Dragan, jedini Cicin potomak.

Njena majka je Giovanna Bancher iz Sirora u Italiji, koja je 1911. godine došla u Tuzlu zajedno sa ostalim Bankerima. Cica je uvijek isticala svoje italijanske korijene koji su u brdovitom Trentu. Bila je jedan od posljednjih potomaka poznate obitelji Bancher u Tuzli.

Nije joj bilo lako živjeti 26 godina bez supruga, a i sin Dragan je gradio svoj životni put na raznim mjestima naše planete. Mnogo vremena je živjela sama, ali nikad nije bila

usamljena. Vjerujemo da će svima nama u sjećanju ostati Cicin zanimljiv pogled iza debelih stakala naočala i njena neskrivena općinjenost mirisima i ukusima hrane - a kako i ne bi kad je bila vrhunska kuharica.



PROMOCIJA KNJIGE O RUDOLFU ZAMBONI 29.1.2019.

U utorak 29.1.2019. godine održana je promocija knjige „Dobrovoljni vatrogasac u Solani Kreka - Rudolf Zamboni“ autora braće Tihomir i Željko Knežiček. Knjiga opisuje životni i profesionalni put Rudolfa Zamboni koji je cijeli životni vijek bio dobrovoljni vatrogasac u Solani u Kreki. Dobrovoljnom vatrogasnom društvu Solane pridružio se još prije početka Drugog svjetskog rata, a na rukovodnim mjestima Društva bio je do penzionisanja.

U IDVD Solana Kreka bilo je više članova italijanskog porijekla, a najviše iz obitelji Zamboni. Recenzenti knjige su akademik prof. dr. Enver Mandžić i Komandant Profesionalne vatrogasne brigade Tuzla Asmir Buljubašić. Na promociju su imali obraćanje – ispred izdavača direktor Centra za multidisciplinarne studije Tuzla Prof. dr. Esad Mušanović a ispred Solane Tuzla Meliha Rizvić član uprave Solane.

